




С.Я. Маршак нима Коми Республикаса
челядълён национальной библиотека

«Коми гижысьяс – челядлы»

ЮРИЙ КОНСТАНТИНОВИЧ
ВАСЮТОВ



Сыктывкар, 2021

ВАСЮТОВ ЮРИЙ КОНСТАНТИНОВИЧ

1931-2006



A handwritten signature in dark ink, which appears to read "Васют" (Vasut).

**«Юрий Васютовлөн поэзияын петкөдчө прөстөй йөзлөн
шудыс да төждыс. Сөмын векся, төдса оласногыс восьсё
выль нога, аслыспөлөса».**

В.Н. Демин

Юрий Константинович Васютовлөн

олём да творчество йылысь



Юрий Константинович Васютов тӧдса миян республикаын кызди кывбур да проза гижысь, челядылы гижысь.

Юрий Васютов чужис 1931 вося вӧльгым тӧлысь 14 лунӧ Сибириын, Обь юлӧн берегвывса Колывань сиктын. 1932 воын Юралӧн баты-мамыс бӧр вуджисны овны чужан Коми муӧ да овмӧдчисны Удораса Ёртом сиктын. Васютовъяс семьяын вӧлі нӛль челядь: чой да куим вок, Юра – медичӧт. Гижысь казтылӧ, мый ичӧтӧн сійӧс быдӧн велӧдісны, но зонка ставсӧ вӧчис ас ног. Быдтор тӧдны зілысь зонка аслас нырччӧмысь тшӧкыда веськавліс быд сикас неминучаӧ: черӧн коксӧ керавліс, косаӧн чуньсӧ сапнитліс, вуграсигӧн пур улӧ дзумгысьліс да муртса эз вӧй.

Юрий велӧдчис Кослан сиктса шӧр школаын. Кӧкъямыс класс помалӧм бӧрын велӧдчис радистӧ да куим во зілис «Мезеньлес» трестын. Сэсса служитіс армияын. Армияысь

локтӧм бӧрын уджаліс журналистӧн районса газетын, директорӧн районса культура керкаын. Юрий Васютов котыртіс Удораын районса радиовещание, вӧлі республикаса радиокорреспондентӧн. Вӧлі и Коми АССР-са гижысь котырын веськӧдлысьӧс вежысьӧн.

Аслас нэм чӧжӧн Юрий Васютов лӛдзис ичӧтъяслы да верстыӧяслы дас кӧкъямыс небӧг, кӧні бура петкӧдчӧ чужан му, ас войтыр, вӧр-ва дінӧ помтӧм муслуныс. Тайӧ кывбуръяс, басняс, кывбура мойдыас, поэмаяс, висытьяс, повесытьяс да пьесаяс. Дас небӧг гижӧма челядылы.

Медводдза кывбурыс гижысьлӧн петаліс 1951-ӧд воын «Войвыв кодзув» журналын. 1962-ӧд воын лӛдзисны гижысьлысь медводдза небӧг – «Пӧдарки». Сиӧма сійӧс челядылы. Та бӧрын поэт лӛсьӧдіс дзолькыаслы нӧшта на некымын кывбура небӧг: «Чушик-Чушенька-Чушок» (1965), «Татчӧ волыны ме рад» (1966), «Менам рӧдвуж» (1981) кывбура небӧгъяс, «Шондіа вой» повесыт (1985), «Вӧрса олысь – Пожӧм Коль» (1991), «Дурысьяс» (1994) кывбура небӧгъяс. 1980-ӧд воын петіс «Лесной костёр» небӧг. Роч кыв вылӧ вуджӧдысь Глеб Пагирев аддзӧма лӛсыыда серпасалан кывъяс, медым петкӧдлыны роч лыддысьысьлы авторлысь видзӧдлассӧ, донъявны чужан вӧр-валысь мичлунсӧ, кӧні колис гижысьлӧн сьӧкыд, но шуда челядыдырыс.

Бӧръя кывбуръяса да висытьяса «Зиль-зель да силь-сель» челядылы небӧг петіс нин гижысь кулӧм бӧрын. Ыджыд пай тайӧ уджас пуктіс авторлӧн пиыс, Михаил Юрьевич, коді чукӧртіс да дасытіс гижӧдыассӧ йӧзӧдӧм вылӧ.

Юрий Васютов уна йӧзӧдчис республикаса газет-журналъясын, сідзжӧ уна кывбур-висыт йӧзӧдӧма коми авторъяслӧн ӧтувъя гижӧд чукӧръясын.

Та кызди Юрий Васютовлӧн гижӧдыас пырисны коми литература велӧдан небӧгъясӧ да хрестоматиясӧ, коми кыв велӧдан небӧгъясӧ.

Юрий Константинович Васютов – Коми республикаса заслуженнӧй уджалысь. 1973-ӧд воын пырис Коми республикаса гижысь котырӧ, кӧні ӧкмыс во чӧж уджаліс юралысьӧс вежысьӧн. Пенсия вылӧ петӧм бӧрын оліс Удораын, Кослан сиктын. Тшӧкыда аддзысьліс лыддысьысьяскӧд, радейтіс быдмысь войтырӧс, уна гижис. Кувсис 2006-ӧд вося сора 4 лунӧ. Юрий Константинович – Удора районса да Кослан сиктса почётнӧй гражданин.

Ачым тай сямми

Кызди висьтавліс мамө, менө «ньюбөмаось» Сибырьсь, Колывань сиктысь, Новосибирск кар дорысь, 1931 вося вольгым (ноябрь) 14 лунө. Буретш Демьян лунө да Демьянөн и косьомаось гижны. Но ыджыд Иван вок тшөктас шуны Юрийөн. Сэтшөм пö роч князь вөлөма, Москва карсö паньсыс. Тадзи ме лои Юрийөн.

Лыддысьны велалі вит кымын арөссиянь, кор нин олім Удораын. Сэки жö и «лөсьодавны» нин босьтчи. «Тайö кутшөм шыпас?» - юалö вок да петкөдлө Г. «Гоголюка», - вочавидза ме. Косья эськө «кокулюка» шуны, но тöда нин, мый «г» да сідзи артмө. «А тайö?» - петкөдлө П шыпас. Шуа: «Качай Падөс!». Дзик татшөм качай падөс (сюрья) сулаліс кыр йылын, көні ми качайтчим.

Гортын нель йылöмысь ме – пож пыдөс. Менö быдөн велөдöны. Ме кывза да вöча ас ног. Батьлысь юасьтöг лэчид чер босьтөмöй да кокөс кералөмöй. Самолёт вöчөмöй да коса пуртөн чуньöс сапнитөмöй, öдва лётъялö. Вевттөм керка срубйись медся вылысяньыс усьөмöй да садьтөмөс больничаö нүөмны. Вуграсьны лэччөмöй да пур улö веськалөмöй – öдва ловьяös вайөмаось гортö... Но и сюрліс меным таысь мамсянь! (Бать некор эз видлы, ачыс пö сяммас).


Школаö велөдчыны пыралі да бөр вөтлісны куим лун мысти – абу пö тырөма көкъямысыд. А көкъямыс тырис да бара муні. Сөрмин пö, ми нин кык төлысь да джын велөдчим. Мися, ме буквартö ставсö нин лыдди. Но бара на эз босьтны, некытчö пö пуксьыны...

Сэсся велөдчи ичөтджык арлыдаяскөд. Нель во вöлі отличникөн. «Сямаджык» лои да дышөдіс. Öти-кө, ачым понді лыддыны быдсяма книга-небөгсö да велөдысьыс уна понді тöдны. Мөд-кө, вывті нин пондіс кыскыны менö ас дорас сикт бердса вөр-ваыс. Оз на помась урок, а ме лызь вылө: виччысьöны байдöглы да көчлы октөм лэчяс. Пыр вöлі класса командирөн да велөдчөм вылө «пышъялөмöй» быттьö эз и тöдчыв. Но тöдлытöг ныртшуктыси математикаö да нажөвиті «2». Дöзми да экзамен водзвылас, 8 класс помавтöг энөвті школа, муні велөдчыны радистö роч муö. Сэсся армияын служиті куим во, Рига карын. Сэні медводз волі театрö, циркө, музейö, зоопаркө, тöдмасы писательяскөд. Ыджыдджык тшупöда наукаяс йири нин сэки, кор аслам пиöй велөдчис школаын.

Пырны коми литератураö вöлі вывті сьöкыд. Быдми-сөвми Удора районлөн шөр сиктын. Бать-мам дыр олөмаось рочын да комиөн эз лыддысьны. Школаын ставсö, коми кыв кызди, велөдісны рочөн (эз вöвны велөдысьяс – война муніс). А бöрынджык райцентр пондіс рочмыны воөм йöзысь. Да и Удора – аслас кыввора му. Гижан – а редакторьяс шуасны: «Тайö – диалект. Колö литература кывйөн гижны». А «литература» кывйыс сэки вöлі (кор гижны босьтчи) тöрича да кыдья сора ид нянь кодь. Газет гижö комиөн, а роч морт вермө лыддыны. Аслам ай-мам кывкөд венö пыри витөд классын велөдчигөн нин. Лыдди, мый Удораса кывйыс комиджык «литературнöйсьыс». Татшөм «тышөн» и öніөдз ола. Гижан уджö эг велөдчыв, весиг курсьяс вылө эз ыстывны. Бур, мый корлісны Сыктывкарö семинарьяс вылө. Тшөтшьяс вöліны нин нималана гижысьясөн, а ме век «том гижысь». Öніөдз на оз быдтор йөзöдны, мый гижя...

Медводдза кывбур петаліс «Войвыв кодзув» журналын 1951 вося ода-кора (май) төлысьын. А ассьым вöснидик небөгтор лэдзисны дас во мысти. Та бöрын петавлісны и кывбура, и висьта-повестя небөгьяс, тшөтш и тиянлы, зонпоснилы, лыддьöм вылө. И меным зэв нимкодь, кор лавка джаджйын оз тыдавны меөн гижөм небөгьясыс – сідзкө, лыддьöны, кодьяслыкө колöны менам гижөдьясöй. Таысь и аттьö налы! Тиянлы, том лыддысьысьяс, аттьö, мый пыдди пуктанныд ай-мам кывтö.

Вөрса олысь - Пожом Коль



Тайо кывбура мойдсö гижысь лöсьöдiс öти «вөрса олысь» йылысь. Тайö – Пожом Коль. Ачыс ичöтик, но зэв тшап да ышнясьысь.


«...Тi пö тöданныд-ö, он,
Ме тан ягас медся ён!...
...Ме пö медся бура сыла,
Меным радлö ставнас ывла.

...

Кöсья – ошкöс верма зырны,
Кöсья – пуö верма пырны,
Кöсья – лэба, кöсья – ог.
Ас ног овны – менам мог».

Ыджыд яг пöвстын дзoляник геройкöд быдсямаыс овлö: медводз паныдасö Кодзувкоткöд, сэсся сийöс велöдö Биа Бöжа Ур. Гöститö визиярда дорын, паныдасö Сера Сизькöд. Ставныс найö велöдöны Пожом Кольöс, кызди колö овны вöрын.

Сюсь лыддысьысьяс гөгөрвоöны, мый мойдкывйын гижысь дивитö ошйысьысь да ышнясьысь йöзöс. Татшöм йöз тшöкыда веськалöны неминучай, кызди тайö лои пожом колькöд.



Серпасалис А.А. Отев

Дурысьяс



Тайо небогас гажа кывбурьясын олӧны, быдмӧны, ворсӧны да и вильшасьӧны челядь. Гижысь кужӧмӧн мойдӧ, сёрнитӧ тшӧтш и звер-пӧтка йылысь.


Небӧгыс артмӧма куим юкӧнысь: «Гугӧг-банӧн», «Асыла-рыта», «Бобув, кӧза да мукӧдьяс».

Челядь радейтоны лосьодавны, а кывбуралысь лосьодало накoд oтвылысь. «Гугoг-банoн» циклo пырысь серамбана нейджд кывбурьясын збыльмoны дивoяс: пуяс лэбалoны дозмoр вылын («Мойд»), кoчьяс пу вылын колипкай моз ливкioдлoны («Пу вылын кoч»), каньяс ломтoны пивсян да корoсялoны порсясoс («Дурысясь»), кодзувкoтьяс пищальoн кыйсьoны, а чераньяс ю вылын тывьясьoны («Дивoйсь-дивo»). Шензян coмын!




А кутшом визув да шань кывъяс аддзома гижысь,
медым челядылөн видзодлас пыр петкодлыны звер-пөтка да
гортса пемосьяс «Бобув, коза да мукодьяс» юкёнысь кывбурьясын!

«Биа бõжа тэрыб ур
Пожõм йылõ качис гур.
Килльõ коль да чõсмасьõ,
Коз пу вылõ вõзйысьõ».



Серпасалис А.В. Мошев

Зиль-зэль да сіль-сэль



2010 воын петіс посни войтырлы выль небөг – «Зиль-зэль да сіль-сэль», кытчö лои öтувтöма кывбурьяс да висьтьяс.

Гижысь гөгөрвоё ичöt войтырöс. Сійö челядылы лоö шань ыджыджык ёртөн, кодi найöс нинöмысь оз дивит, а велöдö сöмын бурö. «Максим» гижöдын висьталысь шензьö зонкалөн аслыспöлöслун вылö. Максим вöдитчö мыняяскöд кызди ловья ловьяскöд: шонтö изьяссö, мед оз кынмыны, а бöрас лэдзö вöля вылö, мед котраласны. «Гудöкасьысь Сашко» висьтын гижысь майшасьö енбиа Саша зонка вöсна, кодi зэв бура ворсö гудöкөн. Кутшöм сьылан кывлас радио пыр либö кыскö мöдлаысь, сійöс и ворсас. Тайö висьтьяс помас гижысь юасьö: кодөн лоöны тайö зонкаясы? Геологьясөн? Музыкантьясөн? Гижысь эскö, мый налөн оз вош челядь руыс, шаньлуныс да енбиыс. Быд кагалысь позьö казавны аслыспöлöслунсö, медсьöкыд – тайö енбисö не воштыны.

Гижысь петкөдлö чужан коми мулысь мичсö да озырлунсö. Небөгö пыртöм кывбурьяс тöдмөдöны коми муын олысь звер-пöткакöд, вöрын быдмысь пуяскöд. Уна кывбур сiöма вогөгöрлы:



«Гожмöй, гожмöй, кöнi тэ, кöнi тэ?

Вöй чань моз кытчöко тэрмасин-гөнитін,

Ыстін жар лунвылысь медбөрья зэрьяссö,

Кöдзалöм шондiным водзасьны вермас-ö?»

(«Арын»)



Серпасалис Г.Н. Шарипков

Менам рөдвуж




«Менам рөдвуж» небөгын гижысь петкөдлө нывкаяслысь да зонкаяслысь шуда олөм, ёртасьөм. Васютов комиөдома да пыртөма небөгас вель уна кывбур Пантелеймон Образцовлысь да мукөд роч гижысьяслысь.

Небөгө пырис «Менам рөдвуж» жö нима кывбур. Сэни висьтавсьö сы йылысь, кызси сиктса детинка тöдмөдö карысь воөм Дима ёртöс аслас мам-батькөд, вокыскөд да дядьыскөд. Көть кытчö оз мунны ёртъяс, быдлаын паныдасьöны тöдса чужöмъяс, муса йöз. Öтпырысь челядь тöдмасьöны сиктса уджъясөн – локылöны скöтнöй дворö, град йөрö, стрöтчысьяслөн бригадаö, пуксьылöны трактор вылö. Сикт – тайö ыджыд лада котыр. И весиг Дима другыскөд ветлөм-мунөм бөрти окотитö лоны тайö ыджыд котырыслөн юкөнөн.


«Дима шуö: - Вывті бур
Гожөмнас совхозын.
Тані кута овны дзик,
Кодыр локта мöдысь...

Кажитчöма сылы сикт.
Сідзкö – миян рöдысь».



Серпасалис А.В. Мошев

Пөдарки




Тайо Юрий Васютовлөн медводдза коми кывъя небӱг. Сиӱма сійӱс медся ичӱтъяслы.

Нюмыд петӱ Мишук да Ванюк вылӱ, кодъяс зыксӱӱны весиг панясигӱн. Сідз жӱ пася Вася вылӱ, кодӱ «пасяс йӱрмӱ, нем оз вермы вӱчны...».

Кывбуръясын висътавсӱӱ посни войтырлӱн ворсӱм да ӱртасӱӱм йылысь, медводдза вермӱмъяс да шыбӱльяс йылысь, кага быдмӱм-мортъяммӱм йылысь.

Ичӱт йӱз асьныс вӱчӱӱны чача пу пыж («Менам ледокол»), пӱжалӱӱны печенча мудзӱм чой-воклы («Детскӱӱ садйысь локтӱм бӱрын»), отсалӱӱны мамлы идравны жыр («Со и быдмис»), серпасалӱӱны мамлы чужан лун кузя козин («Пӱдарки»), велӱдчӱӱны кӱмасьны-пасътавсӱӱны («Вӱлӱ коркӱ-й ме зӱв дзоля»). Тайӱ кывбуръяс вылас мортъяммӱӱны и лыддъысъясыс.



Серпасалис П. Быстров

Татчö волыны ме рад




Тайö небöгас Юрий Васютов небыд нюмөн
висьталö дзоля нывкаяслысь да зонкаяслысь детсадйын
олöм йылысь, налөн быдлунся тöжд-могыас йылысь,
ёртасьöм да ворсöм йылысь.

«Шоныд, сöстöм детскöй сад,
Сэтчö волыны ме рад.
Чöскыд сёян-юан сэн:
Кампет, печенньö и джем,
Булки, кöлач и компот –
Рузгы-вазгы да эн пот».

Ворсигөн, челядь мөвпалöны лоны пилотъясөн да
космонавтъясөн, трактористъясөн да шоперьясөн,
вузасьсысясөн да велöдысясён.

«Тані школа.
Тані рама овны колö.
Велöдысь Тамара
Сöмын на квайт ара».

1969 воын «Татчö волыны ме рад» небöгсö Александр Клейн вуджöдіс роч кыв вылö, шусьö
– «Наш весёлый детский сад».



Серпасалис С.А. Торлопов

Чушик-Чушенька-Чушок



Ті, кӧнкӧ, казавліныд, кутшӧм
тешкодӧсь мукӧддырйи овлӧны
гортса пемӧсьяс. Шуам, сійӧ жӧ
порсьпыид. Буретш сы йылысь
лӧсьӧдіс Юрий Васютов дзюлюкъяслы
кывбура мойдкыв «Чушик-Чушенька-
Чушок». Мойдыс заводитчӧ тадзи:

«Абу ылын, абу матын,
Кӧнкӧ Комиын жӧ, татӧн,
Ӧти сиктын,
Шоныд гидйын
Чошӧяслӧн чужис пи.


.....
Лелькуйтис да вердіс-удіс
Чушӧс бать-мам и рӧдвуж».

Сюсь лыддысьысьяс гӧгӧрвоӧны, мый вельмӧм да дыш челядь овлӧны дзик Чушик порсьпы
кодӧсь.



Серпасалис В. Пунегов

Шондіа вой






Юрий Васютовлөн велөдчан воясыс колисны война кад дырйи. Та йылысь сылөн «Шондіа вой» повесыт, кодї петіс торья небөгөн 1985 воын.

Висьталöмыс повесытын Лёня Томов нимсянь. Бать-мамыс зонкалөн уджач да зіль йöз. Мый кужöны асьныс, сійö уджас велөдöны челядсьö.

Повесытлөн быд юкөн – тайö войнадырся челядълөн олöмысь кутшöмкö вöвлöмтор. Со мойдны кужысь Опонь дед гөститöдö тшыг ныв-зонмöс юмов сёркниён. Со Лёня да сылөн Сандыр вокыс виччысьтöг адзöны да перйöны ва пыдöсысь бинокль, и сы кодь дивöыс детинкаяслы свет вылас абу.


Сиктса челядь тырвийö гөгөрвоöны страналысь сьöкыдлуньяссьö, семьяяслысь драмасö. Найö тшöтш сулалöны фашизмлы воча, сьöлöмсяныыс көсийöны сійöс венны. Челядь оз сöмын велөдчыны, но и отсасьöны колхозлы, кыскалöны турун юрьяс, йирсьöдöны вöвьясöс, отсасьöны öтка пöрысь йöзлы, чукöртöны «Коми пионер»

самолёт вылö сьöм, дасьтöны школалы пес. Ставсö вöчöны найö долыдпырысь, ворсігтыр, - мед и дөрöмыд дöмаса, и төвся паськöмыд и кепысьыд абу.



Серпасалис В.И. Краев


Шондіа вой





2002 воын Юрий Васютовлӧн петіс «Шондіа вой» нима нӧшта ӧти небӧг, кытчӧ пырисны «Шыр кывтӧ-катӧ», «Мусукасян керка» да «Шондіа вой» повесьтьяс.

«Шондіа вой» повесьтын авторыс сьӧлӧмсянныс да кужӧмӧн петкӧдлӧма челядьдырся сьӧкыд вояссӧ, сиктса велӧдчысьяслысь пытшкӧсса олӧмсӧ, ӧта-мӧдкӧд ӧртасьӧмсӧ.

Куимнан гижӧдыс йитчӧма чужан грезд да муса вӧр-ва дінӧ пӧся радейтӧмӧн. Юрий Васютов быттьӧ юасьӧ: «Мый лоас, кор эновтам ас сиктнымӧс, пӧрысь бать-мамнымӧс, бырӧдам вӧр-ванымӧс. Мый сӧсся колям сэнӧ олысь йӧзлы?»



МЕ КОДӦМЫСАЫ вӧлі ӧкмыс ӧрӧсӧ, кор мӧі ырытывмаи бирӧштӧс война. Немес пӧ усӧмӧмыва шӧп вӧлі, «ирӧмӧмӧ Гитлер»... Стайн кайбын Кӧрт Памеш чулӧмӧ. Водзтӧ тапӧ стан ӧрӧмӧмӧс вӧлі помасӧ: ӧз кадрилӧмӧн, кочайтӧмӧн, бинур вомӧн тӧччалӧмӧн, сымӧмӧн... А ӧп ставӧн чӧдӧс. Вӧдӧмӧн шупыгыс Минимаш, мӧдӧмӧн вӧдӧмӧн, вӧдӧмӧн вӧдӧмӧн. Шӧмӧмӧн-куритчӧмӧн сымӧмӧн, ӧз качайтӧмӧн ии ӧз чеччавыс бипур вомӧн. И вӧйбӧд таӧн. А ноймс югӧд, Июнь 22-ӧд дуп ӧд. Вӧлӧн медлӧмӧд воймс пуксис. Ӧз и пӧмӧмӧн нӧйӧ кадӧ Удорис сиктӧмӧн. Со кор колӧ школа-да вӧдӧмӧн — век кӧтӧ амӧмӧн, вӧйбӧд ӧз ӧз кӧв. А Памеш чулӧмӧн вӧдӧмӧн и шӧмӧмӧн вӧдӧмӧн ӧз сӧмӧмӧн азиӧдӧс. Кӧтӧ и гӧмӧмӧн вӧдӧмӧн вӧдӧмӧн сӧмӧмӧн. Ми, кӧмӧмӧн кочӧмӧн, уринӧн мӧз каша-...



Серпасаліс И.П. Муравьев

Ю.К. Васютовлӧн челядьлы гижӧдъяс

Пӧдарки : [кывбуръяс] / Ю. Васютов ; [серпасалис П. Быстров]. – Сыктывкар : Коми кн. изд-во, 1962. – 19 лист бок.

Чушик-чушенька-чушок : [кывбуръяс] / Ю. Васютов ; [серпасалис В. Пунегов]. – Сыктывкар : Коми кн. изд-во, 1965. – 17 лист бок.

Татчӧ волыны ме рад : [поэма] / Ю. Васютов ; [серпасалис С.А. Торлопов]. – Сыктывкар : Коми кн. изд-во, 1966. – 16 лист бок.

Менам рӧдвуж : ичӧт арлыда челядьлы кывбуръяс / Ю. Васютов ; [серпасалис А.В. Мошев]. – Сыктывкар : Коми кн. изд-во, 1981. – 32 лист бок.

Шондіа вой : повесть / Ю. Васютов ; [серпасалис В.И. Краев]. – Сыктывкар : Коми кн. изд-во, 1985. – 102 лист бок.

Вӧрса олысь – Пожӧм Коль : челядьлы кывбуръяс / Ю. Васютов ; [серпасалис А.А. Отев]. – Сыктывкар : Коми кн. изд-во, 1991. – 25 лист бок.

Дурысьяс : зонпоснилы кывбуръяс / Ю. Васютов ; [серпасалис А.В. Мошев]. – Сыктывкар : Коми кн. изд-во, 1994. – 16 лист бок.

Шондіа вой : повесьтьяс / Ю. Васютов ; серпасалис И.П. Муравьев. – Сыктывкар : Коми небӧг лэдзанін, 2002. – 320 лист бок.

Зиль-зель да силь-сель : зонпоснилы лыддянтӧръяс / Ю. Васютов ; [серпасалис Г.Н. Шарипков]. – Сыктывкар : Анбур, 2010. – 168 лист бок.

Ю.К. Васютовлӧн олан туй да гижӧдъяс йылысь

Втюрина Л.З. Васютов Юрий Константинович (1931-2006) / Л.З. Втюрина // Литература Коми : словарь школьника / сост. В.Н. Головина, В.А. Лимерова. – Сыктывкар, 2007. – С. 30-32.

Пунегова Л.А. Пӧртмасьысь войвылӧс ловзӧдны ышӧдысь // Пунегова Л.А. Посни войтырлы коми литература йылысь : пособие для учащихся педучилищ, воспитателей детских дошкольных учреждений / Л.А. Пунегова. – Сыктывкар : Коми кн. Изд-во, 1993. – С. 135 – 142.

«Челядьдырӧй, челядьдырӧй...» = «Детство моё, детство...» : Юрий Константинович Васютов чужан лунсянь 70 во тыригкежлӧ литературнӧй памятка / сост. Л.З. Втюрина. – Сыктывкар : Национальная детская библиотека Республики Коми им. С.Я. Маршака, 2001. – 12 с.

Юрий Константинович Васютов : биобиблиогр. указ. / сост. А.Н. Нестерова. – Сыктывкар : Национальная детская библиотека Республики Коми им. С.Я. Маршака, 2011. – 96 с.

Васютов Ю. Ачым тай сямми / Ю. Васютов. – Би кинь. – 2003. – 5 №. – 3 лист бок.

83.3(2Рос=Коми)
В20

Составитель:

Коваль Н.В. – главный библиограф отдела краеведения и коми литературы ГБУ РК
НДБ

Оформление:

Полицинская К.В. – библиотекарь ГБУ РК НДБ

Юрий Константинович Васютов : комплект плакатов : на коми яз. /
Национальная детская библиотека Республики Коми им. С. Я. Маршака ; сост.
Н. В. Коваль. – Сыктывкар, 2021. – (Коми писатели – детям). – (6+).

© Национальная детская библиотека Республики Коми им. С.Я. Маршака, 2021

